

cios, aut literas, vel aliter læsis, & offensam passis, acriter minantur, pollicentes se peiora facturos, nisi pacem cum eis faciant, monentes etiam ipsos, ne ab eorum domibus discedant, brigam eis indidentes, ex quo hæredes ipsi, aliter injuriam passi, & interdum eorum consanguinei & affines, etiam hi qui in longissimo gradu sunt constituti, compelluntur aut pacem violentam inire, aut brigam sustinere, propter quæ alii ex hujusmodi impunitate in dies ad peiora perpetrandum inducuntur.

Banniti minas inferentes pro hibenda pace & alii eius deferentes coercentur.

§. 2. Hujusmodi malis, prout tene-
mur, occurrere volentes, statuimus, de-
cernimus, & ordinamus, quod omnes,
& singuli qui modo præmissis fuerint,
& ambasciatam, aut literas, scienter
his, quibus minantur, asserere aude-
bunt, & præsumunt; crimen læsæ ma-
jestatis similiter incurrant, & læsæ ma-
jestatis, ac rebellionis rei censeantur, ac veluti
tales a competentibus iudicibus severissime
puniantur, & tam illi, quam Ecclesiasticæ
personæ talia perpetrantes, cujuscumque
dignitatis, status, gradus, ordinis, con-
ditionis, & excellentiæ existant, omnes,
& singulas sententias, censuras, & pœnas,
quas Paulus prædecessor, contra patrem,
filium, fratrem, & propinquum, vel do-
mesticum offendentes, vulnerantis, vel
mutilantis, occidentes, vel quocumque
modo offendentes, promulgavit, eo ipso
irremissibiliter incurrant.

Causæ de-rogatorie.

§. 3. Non obstantibus præmissis, ac
constitutionibus, & ordinationibus Apo-
stolicis, ac dictæ Urbis juramento, con-
firmatione Apostolica, vel quavis firmitate
alia roboratis statutis, & consuetudinibus,
necnon omnibus illis, quæ Pius, Pau-
lus, & Sixtus prædecessores præfati, in-
suis, & nos in aliis nostris literis prædictis,
voluimus non obtinere, caterisque contra-
riis quibuscumque.

Jussio publi-
candi hanc
Constit.

§. 4. Et ne quisquam de præmissis va-
leat ignorantiam allegare, mandamus
præsentium nostrarum literarum tenorem
in Curia Capitolii, & aliis locis publicis
dictæ Urbis, sono tubæ præmissis publi-
cari, ac in volumen Statutorum prædi-
ctorum, de verbo ad verbum rescribi, ad
certitudinem præsentium, & memoriam
futurorum.

Sanctio pen-
nalis.

Nulli ergo, &c.
Si quis autem, &c.
Datum Romæ apud Sanctum Petrum,
Anno Incarnationis Dominicæ, millesimo
quadringentesimo octuagesimo octavo,
Idibus Septembris, Pontificatus nostri
Anno quinto.

Dat. P. A. 1.
13. Septemb.

tos debitores ad integram solutionem eorum, quæ ipsos debere cognoveritis, efficaciter remediis opportunis compellatis.

Appellandi-
ad aliud Tri-
bunal quatuor-
R. Cam. Ap.

§. 2. Decernentes per hoc nostrum
Apostolicum decretum, quod in moratoriis,
dilationibus quinquennialibus, ces-
sionibus bonorum, advocacionibus causa-
rum, appellacionibus, præterquam ad Ca-
meram Apostolicam seu Commissarium,
ut moris est, interpositis, seu interponen-
dis, & novis commissionibus, & salinariis,
exceptis his qui supra, & aliis quibuscum-
que concessionibus per nos forsitan conce-
sis, & quas concedi contingeret, hujusmodi
debita semper intelligantur excepta, etiam
si in eisdem debitis occasione mercaturæ
prædictæ mentio fieret specifica, & ex-
pressa.

Clauſ. præfer-
vativæ.

§. 3. Nec unquam per easdem seu qua-
cumque alias concessiones seu rescripta,
aut commissiones huic voluntati, & decre-
to nostro derogatum quoquo modo intelli-
gatur, nisi præsentis decreti tenor de-
verbo ad verbum, cum nominatione merca-
torum, quibus obnoxii erunt, & quanti-
tatibus, in moratoriis, ac aliis concessio-
nibus quibuscumque infereretur.

Jussio publi-
candi.

§. 4. Et ut præsentium nostrorum decretum
perpetuum robur, & effectum obtineat,
quod ad perpetuum rei memoriam in vo-
luntate Statutorum dictæ Ripæ, & Ripettæ
describi, & registrari mandamus.

D. P. An. 1.
15. Julii.

Nulli ergo, &c.
Si quis autem, &c.
Datum Romæ apud Sanctum Petrum,
Idibus Julii, Anno quinto.

Papæ subſcri-
ptio.

Placet, & Motu proprio mandamus.

Approbatio Confraternitatis sub invoc-
tione S. Joannis Baptistæ Decollati Di-
vinæ Misericordiæ nuncupatæ, in Alma
Urbe nuper institutæ, ad pie consolan-
dum morti a iudicibus, condemnatos,
curandumque eorum animæ salutem,
& sepeliendum corpora eorumdem.

INNOCENTIUS EPISCOPUS

SERVUS SERVORUM DEI

Ad perpetuam rei memoriam.

Proemium.

Inter desiderabilia cordis nostri illud
intensus desiderii affectamus, ut singu-
lorum Christianissimorum, quorum nobis ex
commisſi deſuper Paſtoralis officii debito
cura imminet, generalis animarum ſalus
proveniat, unde pia & ſalubria fidelium
vota ad hoc tendentia, & alias, ex quibus
divini cultus propagatum augmentum,
pii patris affectione proſequimur, ac ple-
niſſis favoribus conſovemus, & ut optatum
fortiantur effectum, opem, & operam ef-
ficaces impendimus, ac alios etiam Chri-
ſtiſideles ad impedienda propterea oppor-
tuna ſuffragia indulgentiis, & remiſſioni-
bus invitamus.

Quidam in-
Urbe residen-
tes Confrater-

§. 1. Sane pro parte dilectorum filio-
rum Univerſorum Confratrum Confratrie

ſeu Societatis Sancti Joannis Decollati de
Urbe, nobis nuper exhibita petitio conti-
nebat, quod cum plurimi, qui eorum
demeritis id exigentibus, aut alias ultimo
ſupplicio juſtitia exigente puniebantur,
non haberent in eorum ultimo vite ſtatu
qui ipſis, ea quæ ad ſalutem animarum
pertinent, ad memoriam reducerent,
quamplures perſonæ in eadem Urbe reſi-
dentes cupientes quantum poſſent anima-
rum ſaluti eorum, qui ſic decederent,
providere, & conſulere, quamdam So-
cietatem, ſeu Confraternitatem eiufdem
Sancti Joannis Decollati nuncupatam fe-
cerunt, & ordinarunt; Et ut haberent
ubi piis operibus circa præmiſſa exequen-
dis convenire poſſent, quamdam domum
dirutam in dicta Urbe conſiſtentem, & eis
a dilectis filiis Confratribus Confraterni-
tatis ſeu Societatis Fabrorum eiufdem Urbis
conceſſam; ſub certis modis, & condi-
tionibus tunc expreſſis acceptarunt, & ini-
bi unam Eccleſiam ſub invocatione ejuſ-
dem S. Joannis alias rite ædificari fece-
runt.

nitatem laico-
rum, ad pie
conſortandam,
& ſepeliendum
damnatos ad
mortem inſti-
tuerunt, & Ec-
cleſiam S. Joan-
nis Decollati
ædificari cu-
rarunt.

Eamque priorum
elemoſynis,
perſicero, Ca-
pellanum que
ibi ad audien-
das damnato-
rum confeſ-
ſiones, eoque
ſacramenta
adminiſtranda
habere iſcon-
dentes ſuppli-
cant huc Pon-
tiſ. pro oppor-
tuna proviſio-
ne, & Con-
fraternitatis
approbatione.

§. 2. Cum autem ſicut eadem petitio
ſubjungebat, Confratres dictæ Confrater-
nitatis ſeu Societatis Sancti Joannis nulla
bona ad ipſam Confraternitatem ſpectan-
tia habeant, niſi prout illius Confratres
de elemoſynis pie erogatis acquiſiverint,
intendantque Eccleſiam prædictam ad de-
bitam perfectionem deducere, & illam
paramentis, & aliis Eccleſiaſticis orna-
mentis pro divinis inibi celebrandis officiis
neceſſariis ornare, & communire, ac unum
Capellanum, qui inibi Miſſas, & alia di-
vina officia celebret, & ultimo ſupplicio
damnatis in eorum ultimo vite ſtatu aſſi-
ſtat, eorumque confeſſiones audiat, &
Eccleſiaſtica ſacramenta miniſtret, tene-
re, & ad omnia præmiſſa peragenda ipſo-
rum Confratrum Sancti Joannis facultates
non ſuppetant, ſed ſint Chriſtiſidelium
ſuffragia plurimum opportuna. Pro parte
Confratrum Confratrie S. Joannis hujus-
modi nobis fuit humiliter ſupplicatum, ut
conceſſioni dictæ domus eis, ut præmittitur,
factæ, & in ipſa domo Eccleſiæ ædificati-
oni hujusmodi, robur Apoſtolicæ confirma-
tionis adicere, ipſosque Confratres Con-
fratrie S. Joannis hujusmodi, nunc, & pro
tempore exiſtentes iurisdictioni Auditoris
cauſarum Curie Camere Apoſtolicæ ge-
neralis dumtaxat nunc, & pro tempore
exiſtentiſſimi ſubiicere, aliasque in præmiſſis
opportune providere, de benignitate Apo-
ſtolica dignaremur.

Qui propterea
eam approbat
& ſepulcrum
damnatorum
in d. Eccleſia
concedit.

§. 3. Nos igitur ipſos Confratres Con-
fratrie ſeu Societatis S. Joannis hujusmodi,
& eorum ſingulos, a quibuscumque ex-
communicationis, ſuſpenſionis, & inter-
dicti, aliisque Eccleſiaſticis ſententiis,
censuris, & pœnis, a jure vel ab homine,
quavis occasione vel cauſa latis, ſi quibus
quomodolibet innodati exiſtunt, ad effe-
ctum præſentium dumtaxat conſequen-
dum, harum ſerie abſolventes, & abſo-
lutos fore cenſentes, hujusmodi ſupplica-
tionibus inclinati, conceſſionem dictæ do-
mus

mus eidem Confratribus S. Joannis, ut præferatur, factam, & in illa Ecclesie hujusmodi adificationem, auctoritate Apostolica tenore præsentium approbamus, & confirmamus, eidemque Confratribus, quod dictam Ecclesiam pro divinis officiis & Missis inibi celebrari facient, ac etiam si hoc elegerint, & sepeliri inibi voluerint, pro ultimo supplicio damnatorum prædictorum sepulturas tenere, & in ea dictos ultimo supplicio damnatos cujusvis licentia super hoc minime requisita ad sepulturam admittere.

Capellanoq-
dat facultate
tem damna-
tos consolandi,
confessiones
audiendi,
& Sacramenta
ministrandi.

Statuta con-
dendi sodali-
tatem conce-
dit.

Confessorum-
que eligendi,
qui confratres
in casibus hic
non reservatis
absolvat,
& vota com-
mutet.

§.4. Quodque unum Presbyterum secularem alias idoneum in eorundem Confratrum Capellanum ad eorum nutum amovibilem, qui etiam dictorum damnatorum confessiones audiat, & si petierint Eucharistie, & alia sacramenta, eis ministrat, & usque ad ultimum vite spiritum eos consolando, & ut spem in Domino ponere habeant, exhortando assistat, habere, & tenere.

§.5. Ac quod ipsi Confratres, statuta, & ordinationes alias rationabilia, & honesta pro conservatione, & directione ipsius Confraternitatis S. Joannis, que postquam facta, & ordinata, & per majorem partem ipsorum Confratrum approbata fuerint, juxta illorum ordinationem observari debeant, facere, & ordinare.

§.6. Necnon universis, & singulis utriusque sexus ejusdem Confraternitatis S. Joannis Confratribus, presentibus & futuris, ut aliquem idoneum presbyterum secularem, vel cujusvis Ordinis religiosum, in suum possint eligere confessorum, qui vita & s. comite, in casibus Sedi Apostolicæ reservatis (preterquam offensæ Ecclesiasticæ libertatis, criminum hæresis, rebellionis, aut conspirationis in personam vel statum Romani Pontificis, seu Sedem præfatam, falsitatis literarum Apostolicarum, supplicationum, & commissionum, invasionis, depredationis vel occupationis, aut devastationis terrarum, & maris Romanæ Ecclesiæ mediate, vel immediate subjectarum, offensæ personalis in Episcopum vel alium Prælatum, devolutionis causarum ad Romanam Curiam, delationis armorum, & aliorum prohibitorum ad partes infidelium) semel dumtaxat in vita, in aliis vero quoties opus fuerit opportunum, confessione eorum diligenter audita, pro commissis eis debitam absolutionem impendat, & injungat poenitentiam salutarem. Necnon vota quæcumque (ultramariano liminum Apostolorum, & S. Jacobi in compostella, necnon castitatis & religionis votis dumtaxat exceptis) in alia pietatis opera commutare valeat. Quodque Confessor, quem duxerint eligendum, omnium peccatorum, de quibus corde contriti & ore confessi fuerint semel in vita & in mortis articulo plenam remissionem eis in sinceritate fidei, unitate Sanctæ Romanæ Ecclesiæ, ac obedientia & devotione nostra vel successorum nostrorum Romanorum Pontificum canonice intrantium persistenti-

bus, auctoritate Apostolica concedere valeat, eadem auctoritate Apostolica tenore præsentium concedimus pariter & indulgemus. Sic tamen, quod idem Confessor de his, de quibus fuerit alteri satisfactio impendenda, illam eidem Confratribus per se ipsos si supervixerint, vel per alios, si forsan tunc transierint faciendam injungat, quam ipsi confratres vel alii facere teneantur, ut præfertur. Et ne, quod ablit, propter hujusmodi gratiam vel concessiones ipsi Confratres reddantur procliviores ad illicita imposterum committenda, volumus, quod si Confratres prædicti a sinceritate fidei, unitate Romanæ Ecclesiæ prædictæ, ac obedientia & devotione nostra, vel successorum nostrorum Romanorum Pontificum canonice intrantium destiterint, aut ex confidentia ejusdem concessione, vel remissionis aliqua forsan commiserint, concessio & remissio ac præfentes literæ hujusmodi, quoad facultatem eligendi Confessorem hujusmodi, eis nullatenus suffragentur.

§.7. Præterea ne contingat Confratres prædictos coram diversis Tribunalibus trahi, eos & ipsorum quemlibet, ac bona ad ipsam Confraternitatem S. Joannis nunc & pro tempore pertinentia, cure, & jurisdictioni, omnimodeque potestati quoad singulas causas, civiles, reales, vel personales Curia causarum Cam. Apostolicæ Auditori generali nunc & pro tempore existentis, ita ut coram eo dumtaxat, & non coram alio Judice, ordinario vel delegato dicte Urbis, pro quibuscumque causis ipsius Confraternitatis (poenam sanguinis concernentibus dumtaxat exceptis) conveniri trahi, evocari, seu reconveniri possint, & debeant, eadem auctoritate submittimus & subicimus per præfentes, necnon sententias & processus, quos & quas in contrarium haberi & promulgari contigerit, nullius roboris vel momenti existere eadem auctoritate decernimus.

§.8. Et si forsan contigerit aliquos sic ultimo supplicio damnatos, in eorum bonis seu aliqua parte eorum Confraternitatem hujusmodi hæredes instituire, vel aliqua eis relinquere velle, quod ipsi Confratres in bonis, in quibus hæredes, seu quæ eis per dictos ultimo supplicio damnatos relicta fuerint pro tempore (sine præjudicio Fisci) succedere, & illa in iudicio & extra ubicumque ab illa tenentibus pro eadem Confraternitate petere & exigere possint, etiam si forsan in institutionibus, seu relictis prædictis juris solemnitates observatæ non fuerint, dummodo de voluntate dictorum sic instituentium vel disponentium, verbo vel scripto, per duos aut tres testes, aut alias legitime constiterit, eadem auctoritate statuimus & ordinamus.

§.9. Et insuper cupientes, ut Ecclesia prædicta S. Joannis ad perfectionem debitam deducatur, paramenticque & ornamentis Ecclesiasticis prædictis decoretur & fulciatur, & à Christifidelibus frequentetur, ipsique Christifideles eo devotius

Privilegium
foci A.C. con-
fratribus elat-
gitur.

Hæreditate-
que a con-
demnatis ha-
bere posse in-
dulget, sine
præjudicio Fi-
sci, etiam in
vitiis disposi-
tionis non
habentis juris
solemnitates.

Indulgentiam
d. Ecclesiam
visitantibus,
& manus ad-
jutores por-
rigentibus
concedit.

ad

ad eandem Ecclesiam S. Joannis confluant, quo ex hoc ibidem dono cœlestis gratiæ uberius conspexerint se reflectos, de omnipotentis Dei misericordia; ac Beatorum Petri & Pauli Apostolorum ejus auctoritate confisi, omnibus & singulis Christifidelibus vere poenitentibus, & confessis, qui prædictam Ecclesiam a primis vespere usque ad secundas vespere Festi Decollationis ejusdem S. Joannis devote visitaverint, & inibi manus adjuatrices porrexerint, viginti quinque annos de inunctis eis poenitentis misericorditer in Domino relaxamus. Presentibus etiam quoad hujusmodi indulgentiam perpetuis futuris temporibus valituri. Volumus autem, quod si Ecclesiam prædictam S. Joannis visitantibus, & inibi manus adjuatrices porrigentibus, aut pias eleemosynas erogantibus, aliqua alia indulgentia, in perpetuum, vel ad certum tempus nondum elapsurum duratura per nos concessa fuerit, præfentes literæ quoad indulgentiam hujusmodi viginti quinque annorum nullius sint roboris, vel momenti.

Confratres
derogatur.

D. P. An. 6.
25, Augusti.

§.10. Non obstantibus constitutionibus & ordinationibus Apostolicis, ac dicte Urbis juramento, confirmatione Apostolica vel quavis firmitate alia roboratis, statutis, & consuetudinibus, ceterisque contrariis quibuscumque.

Nulli ergo &c. Si quis autem &c. Datum Romæ apud S. Petrum, Anno Incarnationis Dominicæ millesimo quadringentesimo nonagesimo, decimo Kalend. Septembris, Pontificatus nostri Anno sexto.

XX.

Contra impediens quoquo modo executionem citationum, & aliorum mandatorum, cujuscumque Judicis causarum in Romana Curia pendendum, & contra eorum fautores, Notariosque instrumenta hujusmodi executionum dare recusantes.

INNOCENTIUS EPISCOPUS
SERVUS SERVORUM DEI

Ad perpetuam rei memoriam.

Proemium.

Officii nostri debitum, quo sumus universis nostræ curæ creditis in justitia debitores, exigit, & ad hoc potissimum nos inducit, ut hujus sanctæ Sedis Apostolicæ auctoritatem & honorem præservemus, ac opportuna provisionis remedia etiam adhibeamus, per quæ jus suum quisque consequi valeat, & justitiam exquisitis viis, & à canonibus damnatis modis conculcare satagentium malitiis obvietur, transgressoresque debitis afficiantur poenis, ut a similibus abstinere discant; & alii, si non virtutis amore, & justitiæ zelo inducti, saltem formidine poenæ perterriti, talia committere non præsumant.

Citationes &
mandata Ju-
dicum Rom.
Curie, nul-

ma mentis nostræ perturbatione) accipimus, quod sepe contingit, & quodammodo in quâdam consuetudinem, seu potius abuiam deductum est, ut cum aliqui ad Romanam Curiam (ad quam, utpote communem omnium patriam, ex omnibus mundi partibus confluere soliti sunt pro justitiæ complemento, in causis potissime ad forum Ecclesiasticum pertinentibus, consequendo) accedunt, & causas in eadem Curia, Palatii Apostolici causarum Auditoribus, seu aliis Judicibus, contra eorum adversarios committi, & citationes ad partes, ut moris est, & styli antiquitus in eadem Curia observati decerni obtinuerint, hi contra quos hujusmodi citationes executioni mandari debent, ad iudicia secularia, & alias vetita, Principeque & Potentatus seculares recursum habentes, tam personis sic agentibus, quam notariis publicis, & aliis, etiam quibuscumque Cursoribus nostris, hujusmodi citationes exequi volentibus, per principales seu Judices, & officiales seculares hujusmodi, sub formidabilibus poenis inhiberi & præcipi procurant & faciunt, ne illas exequantur, & ut jam factas executiones revocent, seu saltem etiam iuramento adstringi, quod de executionibus hujusmodi relationes non faciant, aliasque ne hujusmodi executiones fiant, diversimode impediunt; & quandoque clerici, quibus in Beneficiis Ecclesiasticis competit, beneficia ipsa ad suorum adversariorum instantiam resistere, & jura jus nullum habentibus dimittere compellantur; Notarii vero, seu tabelliones publici, & alia personæ Ecclesiasticæ, plus temporalem quam æternam poenam metuentes, de hujusmodi citationum executionibus, & inhibitionibus seu impedimentis circa illas præstitis, etiam in virtute per eos in ipsorum creatione ad notariatus sive tabellionatus officium præstiti juramenti, ab his, quorum interest, requisiti, metu poenam temporalem hujusmodi, instrumenta publica desuper conficere, & in publicam formam tradere, aut de his se rogatos facere non audent, ex quo justitia perit, seu saltem retardatur, Beneficiaque Ecclesiastica, multotiens absque titulo canonico detinentur occupata; mandata vero Apostolica contemuntur, & auctoritas Sedis prædictæ vilescit, libertasque Ecclesiastica conculcatur.

1489.
ris motis exe-
qui impe-
diatur.

§.2. Nos igitur cupientes, quantum cum Deo possumus, huic morbo ne ulterius invalescat, opportunam medelam adhibere, auctoritate Apostolica, hac nostra perpetua constitutione statuimus, & ordinamus, quod omnes, & singule personæ, tam seculares, quam regulares, cujuscumque dignitatis, status, gradus, & præminentie, seu ordinis existant, contra quas in eadem Curia cause, quæ in illa tractari consueverunt seu possunt, de jure vel consuetudine commissa sunt, vel in futurum, tam per appellationem, seu devolutionem ad illam, aut alias quo-

Hic idea
Pont. consti-
git poenas on-
ibus contra
quos cause in
Curia com-
missæ sunt,
impedienti-
bus citationes
& alia man-
data justitiam
vel gratiam
contendant.

modolibet committerentur, & quæ citationes huiusmodi in vim commissionum Apostolicarum, decretas vel decernendas, aut quavis alia mandata, seu rescripta Apostolica, iustitiam vel gratiam continentia, quo minus juxta illorum tenorem executioni demandentur, per se vel per alium, seu alios, directe, vel indirecte, quovis quæsito colore impedire aut impediri facere, seu clericis, ut Beneficia Ecclesiastica renuncient, aut juri in illis sibi competenti cedant, vel ut a prosecutione causarum, & jurium huiusmodi desistant, mandari facere præsumpserint, aut pro illis impediendis, & renunciandis, ad principes seu officiales seculares, publice vel occulte, per se, vel alium, quovis quæsito colore, recursum habuerint, causam perdant, & omne jus, tam in petitorio, quam possessorio, in re vel ad rem, de qua agitur, eis competens, eo ipso amittant, & ad Beneficia sic renunciata obtinendum inhabiles existant.

§.3. Aliæ vero personæ Ecclesiasticæ, seu etiam seculares, quas causa huiusmodi non tangit, executionem citationum huiusmodi, aut aliorum quorumcumque mandatorum, seu rescriptorum, & provisionum Apostolicarum, ut præmittitur, impediens, aut impediendibus huiusmodi, auxilium, consilium vel favorem, publice vel occulte, directe, vel indirecte præstantes, cuiuscumque conditionis vel præeminentie existant, sententiam excommunicationis eo ipso articulo constituti, & satisfactione prævia ab alio quam a Romano Pontifice pro tempore existente, & canonice intrante, absolutionis beneficium nequeant obtinere.

§.4. Notarii vero, sive tabelliones publici prædicti, qui de executionibus citationum, & mandatorum, ac provisionum huiusmodi faciendis, aut quo minus fiant inhibitionibus, requisi fuerint, instrumenta publica desuper ad instantiam interesse habentium, seu interesse prætendentium (satisfacto tamen de congruo salario) conscribere recusaverint, perjurii reatum incurrant, ac executionem officii tabellionatus amittant, fiantque infames eo ipso, & eorum instrumentis sive scripturis publicis postmodum per eos super rogitis postea factis, & conscriendis, donec ab huiusmodi reatu perjurii absolutionem, & infamie absterisionem obtinuerint, nulla fides in iudicio, vel extra adhibeatur.

§.5. Et ut huiusmodi constitutio, & statutum ad singulorum notitiam deducantur, universis locorum Ordinariis in virtute sanctæ obedientie præcipimus & mandamus, quatenus statutum, & constitutionem nostram huiusmodi, per se vel alium, seu alios, in eorum Ecclesiis, vel civitatibus publicent, seu publicari faciant, ac constitutionis huiusmodi copiam Cathedralium Ecclesiarum Apostolicarum, ita quod verisimiliter ad singulorum notitiam pervenire valeat, affigi faciant.

Aliis vero quos causa non tangunt, & impediendibus ut sup., & illorum futuris executionibus pænâ imponit.

Notariosque instrumenta executionum dare recusantes aliis pœnis innodat.

Ordinariis publicationem huius Bullæ præcipit.

§.6. Necnon pro tempore existenti Curie causarum Camera Apostolicæ generali Auditori, ut instante Procuratore Fisci nostri, & Successorum nostrorum Romanorum Pontificum, contra omnes, & singulos etiam qualitercumque prærogativatos, quos prædictas sententias & pœnas sibi incurrisse confiterit, eisdem sententiis, & pœnis illaqueatos tamdiu publice nunciet, & faciat ab aliis nunciari, ac ut excommunicatos ab omnibus artibus evitari, & nihilominus legitimis per eum desuper habendis servatis processibus, sententiis, & pœnas præfatas iteratis vicibus aggravare, auctoritate Apostolica, procuret, donec ipsi sic excommunicati, absolutionis beneficium, satisfactione prævia, meruerint obtinere.

§.7. Volumus autem constitutionem, & statutum huiusmodi, in Cancellaria Apostolica publicari, & in quinterno Cancellariæ prædictæ inter alias inibi descriptas constitutiones adnotari, & describi, ac post duos menses a die publicationis huiusmodi computandos, omnes absentes, præfentes vero in eadem Curia post diem publicationis huiusmodi arctare, ac omnibus petentibus dari, & concedi eo modo, quo alia constitutiones de curia concedi consueverunt.

§.8. Non obstantibus Constitutionibus, & ordinationibus Apostolicis &c. Nulli ergo &c.

Dat. Romæ apud Sanctum Petrum, Anno Incarnationis Dominicæ millesimo quadringentesimo nonagesimo primo, octavo Kalendas Februarii, Pontificatus nostri Anno octavo.

Placet publicetur, & describatur. I. Lecta & publicata sunt Romæ in Cancellaria Apostolica, anno millesimo quadringentesimo nonagesimo primo, Die vero ultima mensis Januarii, Pontificatus Innocentii Papæ VIII. Anno 8.

X XI.
Contra non solventes in festo SS. Petri & Pauli Apostolorum census R. Cam. Apostolicæ debitos.
INNOCENTIUS EPISCOPUS
SERVUS SERVORUM DEI
Ad perpetuam rei memoriam.

Decet Romanum Pontificem Jesu Christi in terris Vicarium, qui militanti Ecclesiæ præest, illius jura tueri, & conservare illæ. Sane, sicut accepimus, nonnulli in Civitatibus, Terris & Castellis, fortalitiis, & locis aliis temporali dominio præfate Ecclesiæ subiectis, & in temporalibus Vicariis, Feudatariis, & Gubernatoribus, seu emphyteutæ, perpetuo & ad tempus deputati, constitutum censum in investituris & concessionibus, quas de illo habuerunt, in festo beatorum Apostolorum Petri, & Pauli de mense Junii solvi constitutum, præfate Ecclesiæolvere non curant, in animarum suarum

Iussio publicandi hanc Bullam.

Clausula derogatoria.

Dat. P. A. S. 25. Januarii.

Subscrip. PP. Publicatio in Cancellaria.

Causa huius Constit.

Monetur omnes ut census debitos Camera Apostolicæ in festo SS. Petri & Pauli persolvant.

Quibus autem dilatio data est, aut commissum, ut alicui extra Camera solvant, easdem assentant eadem die non solutionis.

Non docentes, pœnas privationis incurrant.

Obstantium derogatio. Huius Constitutionis publicatio.

Dat. die 2. Maii 1492. An. VIII.

periculum, & eiusdem Ecclesiæ detrimentum.

§.1. Nos igitur qui alios in sua Justitia confidemus, nolentes præfate Ecclesiæ pro posse nostro jura negligere, Motu proprio non ad alicuius nobis super hoc oblatæ petitionis instantiam, sed de mera nostra deliberatione, & certa scientia, Apostolica auctoritate monemus & requirimus eos & quemlibet eorum, ut censum & canonem quemcumque, quem pro factis eis seu eorum auctoritatibus concessionibus, Camera Apostolicaolvere tenentur annuatim, in illa celeberrima die, qua huiusmodi census ipsi Camera generaliter solvi consueverunt, videlicet in festo Apostolorum præfatorum Camera Apostolicæ persolvant in loco dictæ Camera, ubicumque illa pro tempore adesse contigerit.

§.2. Monemus insuper & requirimus illos ex eis, quibus concessum vel mandatum foret, aut pro tempore mandari contingeret, quod censum per eos debitum, alicuius dictæ Camera creditoribus aut alibi quam in dicta Camera solvant, seu ad solvendum ulterior dilatio data foret, ut per suos legitimos procuratores, & nuncios cum sufficienti mandato in eadem Camera in festo prædicto comparere, & se fore pro eisdem eis concessis civitatibus, terris, & castris, fortalitiis, & locis feudatarios, vicarios, & gubernatores, sive emphyteutas pro dicta Ecclesiæ, & ad talis census solutionem ea die propterea dictæ Camera obligatos fateri, & recognoscere, ac causas quare in eisdem census solutione cessant, ea die allegare & probare debeant coram Præfatis, & Clericis dictæ Camera sub pœnis in concessionibus eis factis huiusmodi appositis, & aliis à jure statutis.

§.3. Alioquin eos cessantes in census, & canonis huiusmodi solutione, reputari & haberi debere perinde, ac si super illius solutione nil innovatum extitisset, eodem motu, scientia & auctoritate decernimus. Ac eisdem Prelatis, & Clericis committimus & mandamus, ut illos, qui monitioni huiusmodi paruisse coram eis non docuerint; intra unum mensem computandum post dictum festum, pœnas privationis Civitatum, Terrarum, Castrorum, Fortalitorum, & locorum huiusmodi juxta suarum investiturarum, & concessionum tenorem incurrisse declarent, & eos à civitatibus, terris, castris, fortalitiis, & locis huiusmodi, pro quibus censum non solverunt, studeant effectualiter amoveri: Contradictores per censuras Ecclesiasticas appellatione postposita compescendo. Invocato ad hoc, si opus fuerit, auxilio brachii secularis.

§.4. Non obstantibus constitutionibus, & ordinationibus Apostolicis &c.

§.5. Et quia difficile foret præfentes literas ad singulas provincias &c.

Datum Romæ apud S. Petrum, Anno Incarnationis Dominicæ, millesimo quadringentesimo nonagesimo secundo, Tom. III. Par. III.

sexto Nonas Maii, Pontificatus nostri Anno octavo.

Anno à Nativitate Domini nostri Jesu Christi 1492. &c.

ALEXANDER SEXTUS

PAPA CCXVI.

ANNO DOMINI MCDXCII.



Die 11. Augusti 1492. electus est in Summum Pontificem Rodericus Lenzolius Borgia Valentinus S. R. E. Vicecancellarius Cardinalis Portuensis, qui Alexandri Sexti sumpto nomine die 26. mensis ejusdem pontificali corona redimitus est. Vixit in B. Petri Sede imperante Friderico III. Augusto annos XI. dies VIII. & novem promotionibus XXXIV. creavit Cardinales. Obiit die 18. Augusti 1503. & sepultus est in Basilica Lateranensi, unde ejus Corpus ad Ædem S. Mariæ de Monteferrato translatum est. Vacavit Sedes mensem unum dies IV.